

Kë ba nyic në ye ajuieer de akër kënnë bennë kɔc guiëer kë ci rot looi wënthëer në akutnhom de Royal Commission

Ciin biäk de kɔc juëc rëer në Biktoria aabi ya nanj tuantuëeny juëc ke kɔc nhïim bikkë keek ya yök në pïirdenic ëbën. Ëkënnë ee yen nyuɔɔth ke ci ya ciën loilooi ci keek ya gäm kɔc në theë ci tëëk yiic kedhië. Ku ëkënnë aci akuma de Biktoria ya cɔk juiir akut de Royal Commission ago loilooi ci keek kuɔc ya looi wënthëer në bëi ke akiim yiic paan de Biktoria ya thiëëciic ëbën.

Akutnhom aci wël juëc wär ciin de 12,500 kɔɔr bi keek juak në luɔɔi yic bën yök ënɔŋ wuɔt ke Biktoria yiic kedhië.

Në ruɔɔn de 2019, ke akut aci ajuieer kënnë bën tek biyic ke ye ajuieer bennë kɔc ya guiëer kä ci röth looi wënthëer ku bi kɔc ya guiëer kä bi keek ya kuanycök ëyadëŋ agonnë kä bi keek ya dɔc kɔɔr ya dɔc yök ëyadëŋ. Yen athöör de akër kënnë atɔ ku ka ci tääu në [Webthaiit de Royal Commission](#). Ku yen ajuieer kënnë abi kɔc ya guiëer kä ci keek geer agokkë döŋ ëke ye kä jöt ku bikkë ya dɔc röŋ kennë töök de tuanytuëeny ke kɔc nhïim ku jɔl ya piathden. Ku yen ajuieer kënnë aye nhiaar bi ya piath arëetic, bi kɔc ya juiëer ajuieer bi ya röŋ kennë kɔc ku bi yic ya kɔc në yök tënnë raan ëbën. Yen ajuieer kënnë aci kɔc guiëer kãŋ kee 65 bi keek ya kuanycök ago ye luɔɔi kënnë ya juiëer kɔc apieth.

Kä ci keek lueel aye kä ciï men de:

- Akɔɔr bi kɔc kedhië paan de Biktoria ya dɔc cɔk yök kuëer bennë keek ya töök, bi kɔc nyin ya tiit në keek ku bi keek ya kuɔny, ke cïn atekthok në yän ëke bëi keek ke thïn ku jɔl ya kä yekkë keek kɔɔr.
- Bi kɔc ya jɔt në yän nɔŋjic kä ye keek dɔc tiaam ku bikkë bëer ya lɔ në yän nɔŋjic kä ciï keek bi ya gäm anuaan.
- Bi ajuieer lëu bi kɔc ya dɔc kony ya juiëer kɔc ke bëi ku jɔl ya kɔc ye nyin tiit në keek.
- Bi yän jöt ya dɔc cak agonnë töök de tuanytuëeny ke kɔc nhïim ya looi ku bi piathden ya dɔc yiëknhial.
- Bi luɔɔi bi ya röŋ kennë raan ëbën ya cak, bi ya diit ago raan ëbën ya dööt, ku bi ya nanj nyiny pieth bi yiën kɔc.
- Bi kãŋ ya juiir ago keek ya ŋɔɔr në kɔc nɔŋ nyiny tɔ kennë keek wënthëer.
- Bi kuëer jöt ya cak tënnë yän ciï men de të de pol ë kura ku jɔl ya yän ke luɔi yiic ago kɔc ya kuɔny në kë de tuanytuëeny ke kɔc nhïim.
- Bi piöök de teknologï ya luɔɔi biyic, bi loilooi ke adiitic (digital services) ya luɔɔi biyic, bi rithäc ku kä ke piëc ya cak në kuëer piethic.

Ëkä ci keek lueel ëtënnë abi kuëer bi wɔ töök de tuanytuëeny ke kɔc nhïim ku piathden ya juiir, bi kɔc ya guiëer kuëer lëu bennëke nyin ya tiit në keek ku bi kuɔny ya gäm kɔc rëer në Biktoria.

Akuma de Biktoria aci rot gam arëetic ago kee wël ci keek lueel ëtënnë në akutnhom ya cɔk kuanyke cök ku kaa ci röth gam arëetic agokë kee wëlkë ya cɔk loi keek.